

ЭРДЭНЭ РЕСУРС ХУВЬЦААНЫ НЭГТГЭЛИЙГ ГҮЙЦЭТГЭЛЭЭ

Хэвлэлийн мэдээ

Нова Скошиа муж, Халифакс хот

2025.09.02

Эрдэнэ Ресурс Девелопмент Корп. (TSX:ERD; MSE:ERDN; OTCQB:ERDCF) ("Эрдэнэ Ресурс" эсвэл "Компани") нь 2025 оны 8 сарын 25-нд танилцуулсан хувьцааны нэгтгэлийн хэвлэлийн мэдээний хүрээнд Компанийн гаргасан болон арилжиж буй зургаан (6) энгийн хувьцаа ("Энгийн хувьцаа")-г нэг (1) энгийн хувьцаанд нэгтгэх нэгтгэлийг ("Нэгтгэл") гүйцэтгэснийг танилцуулахад таатай байна. Нэгтгэлийн хүрээнд Компанийн гаргасан болон арилжиж буй 366,351,958 энгийн хувьцааны тоо ширхэг 2025 оны 9 сарын 2-ны байдлаар 61,063,549 болсон. Урьд танилцуулж байснаар нэгтгэлийн хүрээнд бутархай хувьцаа гаргахгүй ба нэгтгэлийн үр дүнд бий болох аливаа бутархай хувьцааг хамгийн ойрын бүхэл тоонд дээш нь тоймлож тооцсон болно.

Компанийн энгийн хувьцаа нь Торонтогийн хөрөнгийн бирж дээр 2025 оны 9 сарын 5-аас эхлэн, Монголын хөрөнгийн бирж дээр 2025 оны 9 сарын 8-ны долоо хоногт нэгтгэлийн дараах байдлаар арилжаалагдаж эхэлнэ. Хувьцааны нэгтгэл эцэслэх хүртэл Монголын хөрөнгийн бирж дээрх арилжаа түр зогссон хэвээр байна. Нэгтгэлийн дараах энгийн хувьцаа Торонтогийн хөрөнгийн бирж дээр "ERD", Монголын хөрөнгийн бирж дээр "ERDN" тикертэйгээр, шинэ CUSIP: 29480N404, ISIN: CA29480N4049 дугаартай арилжигдана.

(Доорх мэдээлэл нь Торонтогийн хөрөнгийн биржид бүртгэлтэй хувьцаа эзэмшигчдэд хамаатай)

Компанийн бүртгэгч агент нь хувьцаа шилжүүлэх өргөдлийн маягтыг бүртгэлтэй хувьцаа эзэмшигчдэд хүргүүлж эхэлсэн. Хувьцаа шилжүүлэх өргөдлийн маягтад Хүчин төгөлдөр болох өдрөөс хойш аль болох богино хугацаанд өөрсдийн нэгтгэлийн өмнөх энгийн хувьцааг солих зааварчилгааг багтаасан. Мөн маягтад нэгтгэлийн өмнөх энгийн хувьцааны гэрчилгээг хэрхэн бүртгэгч агентад буцаан хүргүүлэх зааварчилгааг багтаасан. Бүртгэгч агент нь хувьцаа шилжүүлэх өргөдлийн маягтын дагуу зааварчилгааг биелүүлсэн хувьцаа эзэмшигчдэд нэгтгэлийн дараах бүхэлдсэн энгийн хувьцааны тоо ширхэг бүхий шинэчилсэн хувьцааны гэрчилгээг хүргүүлэх; эсвэл нэгтгэлийн дараах бүхэлдсэн энгийн хувьцааны тоо ширхэг бүхий DRS мэдэгдэл/хуулгыг хүргүүлнэ.

Бусад хувьцаа эзэмшигчдийн хувьд нэгтгэлийн дараа энгийн хувьцааг хүлээн авахтай холбоотойгоор аливаа үйлдэл хийх шаардлагагүй. Зуучлагчаар (үнэт цаасны брокер, банк, итгэмжлэгч компани, хөрөнгө оруулалтын болон бусад санхүүгийн байгууллага г.м) дамжуулан нэгтгэлийн өмнөх энгийн хувьцааг эзэмшдэг

хувьцаа эзэмшигчид хувьцааны нэгтгэл хэрхэн хийгдэх үйл явцын талаар тодруулга авахыг хүсвэл өөрийн зуучлагчтай холбогдох шаардлагатай.

Компанийн Омнибус төлөвлөгөө (Omnibus Plan) өмнөх урамшууллын төлөвлөгөөний дагуу олгосон опцион, ИОХЭ-ийг хэрэгжүүлэх үнэ болон тоо ширхгийг болон одоогийн төлөвлөгөөний дагуу цаашид гаргах боломжтой тоо ширхэг, хэрэгжүүлэх ханшийг төлөвлөгөөний нөхцөлд тохируулан, пропорционалаар тохируулсан. Мөн түүнчлэн, Омнибус төлөвлөгөөний дагуу гаргах боломжтой энгийн хувьцааны тоо ширхгийг хувьцааны нэгтгэлд нийцүүлэн, харьцуулан бууруулсан.

Хувьцааны нэгтгэлтэй холбоотой мэдээллийг 2025 оны 5 сарын 20-нд танилцуулсан Компанийн Хувьцаа эзэмшигчдийн ээлжит хурлын мэдэгдэл болон удирдлагын мэдээллийн танилцуулга буюу SEDAR+, www.sedarplus.ca дахь Компанийн хуудсаас хүлээн авах боломжтой.

Компанийн тухай

Эрдэнэ Ресурс Девелопмент Корпораци нь 2025 онд Баянхөндий алтны төслийг олборлолтын шат руу хөгжүүлэхээс гадна Монгол Улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад Улсад бүртгэлтэй хайгуулын компани. Компани нь Монгол Улсад 2 хайгуулын, 3 ашиглалтын тусгай зөвшөөрлийн хувь эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд ба OTCQB Венчур зах зээлд бүртгэлтэй. Компанийн тухай дэлгэрэнгүй мэдээлэлтэй Компанийн вебсайт www.erdene.com-оос танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээлэл авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

Энэхүү хэвлэлийн мэдээ нь англи хэл дээр бэлтгэгдсэн хэвлэлийн мэдээний орчуулга болно. Англи, монгол хувилбаруудын хооронд зөрүү эсвэл зөрчилдөх зүйл гарвал англи хэл дээрх хувийг мөрдөнө.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419

И-мэйл: info@erdene.com

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp/>